

湖海樓全集

湖海樓詞集卷第七

長調

邑後學任光奇重校

滿江紅

悵悵詞五首

咄汝青衫奚不去白楊荒漠歎是處病蘭不笑瘦琴空

削鄴酒紅來心久死越娘紫去懷長惡猛耳酣追憶玉

箋河驚流落東簫屐西紉芍北金谷南銅雀只詞流

騷艷供伊談噓百不憐人游獵賦一生悞我靈光作向

要離塚上以呼余余曰諾

日夕此間以眼淚洗胭脂面誰復惜松螺脚短不堪君

薦幾帙罵人鸚鵡著半牀詛世芙蓉譏笑嶽寄俠骨縛
青衫奚其便 曷不向青河戰曷不向青樓宴問何爲
潦倒青藜筆硯老大怕逢裘馬輩顛狂合入烟花院誓
從今傳粉上鬚眉簪歌釧

腰綵唇朱渾妝就腐儒花靨堪噴飯騷腸賦骨也來帖
括兒輩不關詩酒事乃公偶墮文章劫看他年百隊鬪
如霞夔州獵 緇千卷澆元蝶螺千縛漂丹蛭也扶風
歌彈陳留花鑷梔子街前捎粉盜鳳凰橋下薰香俠更
偏軍夜繞甌山城師常捷

一畝書齋白楊樹今番滿矣想十載墨池滋味不過如

此芍藥風流可賜緋丁香年少宜衣紫問奚爲蹀躞鸛
鸛橋無聊子 簫欲哭紅冰璽琴欲笑元霜藥歎騷茵
墨寶命儕歌婢硯締半車蘭葉鬼詩斟一斛茶花髓也
紅顏絕代可憐人因誰死

白柳黃羊宛繪出傷心片幅酸切處短霜供爨古烟供
讀觴弄於君何必怒飄浮似我原堪哭聽黃陵磯畔夜
深船淒涼曲 梨園內絲憎肉田園內花欺粟更泉麻
謗錦蕢施讒菊百隊錢刀爭作橫一身風雅單爲僕倚
酒悲亂擊紫珊瑚鳴如筑

咏雪疊韻八首

雪灑彤墀看帝里風光不惡恰喜是銀裝絳灌瓊雕衛
霍粉椽班中年尙少玉兒宮裏腰初約更太平天子坐
當中簾垂著御溝畔爭寒雀寶鼎外山呼却喜臣心
似雪朕之良藥瑟瑟六花籠翠幄泠泠萬點敲金鑰問
鵷行誰擅郢中才從頭索

宮闈

連日微陰梅花外數聲姑惡憔悴是淨持小女兒家姓
霍春夢晝寒偏易醒髻絲指冷應難約思沉沉獨自抱
銀箏人猜著釵梁燕鞋幫雀簪處顫移來却看糝平
鴛瓦鋪明紅藥沾溼怕污郎白馬玲瓏不辨奴青鑰問
何時乾鵲噪香奩從天索

閨閣

萬里茫茫穹廬畔風狂雪惡歎當日漢家蘇武功高衛
霍迢遞南天鴻雁信淒涼北海羝羊約縱饑來朔雪亦
堪吞無衣著傳書犬銜環雀忠孝事難忘却看詩誇

同澤史譏嘗藥夢到龍樓飄瑞雪六宮夜宴黃金鑰正
醒時蘆笛起邊愁風蕭索

塞外

六出花飛側耳聽金鈴犬惡正滕六撒鹽飛絮瀾漫揮
霍緬罷額黃簾四捲妝成蛾綠鈎雙約任樓頭倚遍玉
闌干難安著歌竹子彈翎雀舊時曲都拋却悔姮娥
清冷多因偷藥燒盡深閨紅獸炭闔殘別院文鱗鑰只
雪沙淅瀝打空階秋千索

樓中

四世三公袁高士人身不惡也不羨東朝田竇西京金
霍大雪不知秦與漢平生詎習從衡約笑本初公路亦
家駒爭殘著 穿花蝶銜梅雀土銚冷高軒却縱蒲輪
束帛誤人之藥煖足那須東閣被安心自守空山鑰任
門前白盡漢江山休相索 袁宅

大獵城南此年少王家鎮惡何況是姿容比玠從奴勝
霍帶雪能騎千里馬殺人不受三章約正射鵬時候暮
雲平弓弦著 能逐兔能探雀揮杯飲休辭却向諸君
笑語此非鴟藥旦日醉從屠狗博昨宵怒奪城門鑰看
踠騮玉色雪中馳難追索 馬上

舉舉師師正春病心情小惡蚤則是雪飛寶篆寒生錦
霍無力渾如儂樣性難憑恰似郎邊約倚銀篝小語罵
輕狂偏偎著 縈簾蒜騰釵雀斜復整行還却好搗殘
玉杵和他面藥睡眼初睜驚六出曲中小響倉琅鑰又
平康狎客喚銀瓶褰簾索

曲中

大雪江天笑萬里北風作惡揀只向屠門大嚼磨刀霍
霍季布田中亡命客盧家堂後消魂約正雪深兀坐酒
樓中思量著 車中婦山頭雀恨不了愁難却總無如
一醉勝他行藥小婦且擎紅玉碗金吾漫鎖春城鑰拍
糟牀極愛酒家郎頻呼索

酒家

陳郎以扇索書爲賦一闕

父名陳九曲
中老教師

鐵笛鈿箏還記得白頭陳九曾消受妓堂絲管球場花
酒籍福無雙丞相客善才第一琵琶手歎今朝寒食草
青青人何有弱息在佳兒又玉山皎瓊枝秀喜門風
不墜家聲依舊生子何須李亞子少年當學王曇首對
君家兩世溼青衫吾衰醜

江村夏詠十首

百頃風潭鎮日展風漪八尺向此處未妨飲噉且須琴
奕籬筍細醃紅縷鼓吳鹽小下銀絲鯽待體中脫復有
佳時哦周易北垞外寒雲白西崦畔蒼烟積更水鳬

將子縱橫飛拍老子難拋白玉塵少年喜拓黃金戟總
風情輸與牧牛兒斜陽笛
野水濛濛掩映處烟扉三兩羨門外黃雲穰穰麥場如
掌叱叱村頭驅犢返瀾瀾江口叉魚往喜田園四月不
曾閒人勞攘
嫩晴後桑陰敞老屋下田歌漾更芋區
新灌鵝羣初放婆餅焦啼秧馬活社公雨過縑車響笑
吳儂原住五湖邊曾呼長
畧約東頭有蟹舍斜連荻市追涼處田夫說餅風情靡
靡餽飪溜匙薑韭滑餽餽膠口椒橙美更傳聞櫻笋賤
如泥今年裏
叉手舞揎拳起缸面酒長腰米想大官

厨味不過如此老我田園射角笑他宦仕車生耳
湖風剛趁此時來欣然喜

碧浪初圓凭水閣脫巾獨立誰作伴數竿籬竹一甌茗
汁似有聲來茶磴轉斷無人處村舂急正日長撥悶枕
書眠斜川集 槿花上珠堪吸荳花底涼堪裏看瀾茫
一派雨簑烟笠搏黍鳥啼勤又嬾鱗魚風起吹還澁恰
衝泥隣叟墊巾來芒鞋溼

雨欲成時聽村北村南鷓鴣行樂處崖門藤束溪腰樹
夾水剪越羅吳縠樣山臨范緩倪迂法任科頭箕踞受
松風新涼霎 何必學呼名鴨且自荷隨身鋪儘一邱

一壑此生寧乏雲起怒排臨陣馬澗鳴冷試搗箏甲更
歸來滴滴玉蛆聲糟牀壓
丁字畦邊見一帶陰陰夏木扶疎甚釣絲斜漾菱絲大
熟鶯煖鮰魚新上市草香蠶子齊登簇喜炊烟一縷裊
江邊燃湘竹菱雞唱溪流足姑惡叫山光綠聽樵歌
正斷漁歌又續泥滑婦愁微雨饒村深兒趁朝涼讀更
柳塘吹起犝牛風波如縠
罨畫銅官都繚繞吾廬左右論生計蹲鴟一頃菰蒲百
畝矮屋村扉多蘸水澄潭釣艇斜依柳恰月明漁網截
江來歌銅斗烟漸斂籠鴉舅雨又作鳴鳩婦正湖風

側帽林花墮酒戲就攤錢淮估語悶思斫鱸吳娘手待
明朝重榨甕頭齏呼溪友

澤國人家門以外水田渺渺無過是明潭淺瀨烟蒲風
篠雪浪江帆喧晝夜雞頭菱角知多少泊數行笭簖忒
玲瓏漁蠻遶新暑退蘆塘宵殘月映溪堂皎且榜他
碧石沽來清醪一雨平湖涼思滿數聲林笛離情悄正
水雲空闊晚冥冥沙鷗矯

天水空濛蘆花內茆庵一箇長夏裏溪干乘興短篷掀
簸十里烟波鷗世界半盃茗汁僧功課更寺門竹翠劇
憐人如何唾洗鉢罷苔陰坐捶琴歇花關臥愛栗留

聲脆枇杷葉大便住隨師聽浴鼓再來何日開烟柁約
搓橙剖橘好時光還重過

時過浣
花禪師

三伏炎熇吳牛喘老顛欲裂詎便少池荷半畝山松百
尺赤日紅塵那可耐哀梨并剪無從覓且臨風快讀劍
南詩傾一石 堂堂處裝何急咄咄處人都逼算功名
馬稍關山梁益綠髻雙螯寒夜擘白頭猛虎霜天射漸
卷終不覺海風生冰車砮

歲暮渡江用宋荔裳觀察曹顧庵太史王西樵

考功倡和原韻

六幅蒲帆掠江下玻璃綠漲中流處舉杯遙賀焦先無

海濱有詩集卷一
七
恙一片鄉愁殘壘下五更僧語空舫上喜網來白小不
論錢漁蠻餉看蟹舍沙頭漾聽銅斗船頭唱喝岷江
有水速成醇釀估客使船都似馬吳兒踏浪何須杖剪
燭花醉眼看魚龍離奇狀

舟次潤城訪程崑崙別駕仍用前韻

此地孫劉想萬馬川騰谷漲公到日雄關鐵鎖東流無
恙上黨地爲天下脊使君文在先秦上更縱橫羽檄氣
偏豪籌兵餉天上月波心漾隔江笛樓頭唱歎江山
如此可消官釀側帽高張臨水宴掀髯勇策登山杖踞
寒崖拂蘚剔殘碑猿猱狀

懷阮亭疊前韻

隋帝宮門楊柳岸春濃花漲曾密報杜家書記平安無
恙相賞每多松石意此情原在錢刀上記紅橋風月六
年游皆君餉瓜菓讌離旌漾禪智寺驪歌唱任吳霜
髻裏漸爲君釀漫說休文圍帶減吾年四十還須杖夜
闌時夢汝帽簷斜論詩狀

聞阮亭罷官之信并寄西樵再疊前韻

鼎鼎朱門滿眼是膨脬腹漲誰得似心情半嬾風情微
恙阿堵考君材最下孔方阻爾書難上算人間只有芟
荷裳堪相餉華不注樵風漾轅固里蠶娘唱使漸離

和曲杜康佐釀才子爲官休亦好弟應荷篠兄攜杖記
相人原說使君非癡肥狀

乙巳除夕立春仍用前韻二首

爆竹一聲吾廬外千門烟漲喜今夜新春殘臘田園無
恙南國舊游稀眼底西京遺事來心上記黏雞彩燕廿
年前攔街餉滄桑換都拋漾頭顱老休歌唱且左燒
紅燭右傾家釀鬱壘欹斜頭上帽神荼脫落腰間杖笑
人憐桃偶偶憐人同斯狀

父念兒耶珠淚迸溪流同漲屈指算四時作客三秋抱
恙山左未尋周櫟下廣陵且覓王貽上乍榴花時節載